



PENERANGAN LOGO SAMBUTAN JUBLI PERAK PEMERINTAHAN DYMM TUANKU SYED SIRAJUDDIN JAMALULLAIL, RAJA PERLIS (2000 - 2025)

Logo ini direka khas untuk memperingati 25 tahun pemerintahan DYMM Tuanku Syed Sirajuddin Jamalullail sebagai Raja Perlis. Ia mengandungi tujuh ciri utama yang melambangkan kebesaran, kestabilan, dan kemakmuran negeri di bawah pemerintahan baginda.

7 CIRI UTAMA LOGO:

TENGKOLOK PUTRA JULANG DARJAT

Terletak di bahagian atas logo, melambangkan kedaulatan, kebesaran, dan warisan institusi Diraja Perlis. Tengkolok Rasmi DYMM Tuanku ini menonjolkan kedaulatan dan keadilan pemerintahan baginda sebagai Raja Perlis.

JATA DIRAJA PERLIS

Menunjukkan Simbol kebesaran kerajaan negeri dan kesinambungan Warisan Diraja Wangsa Jamalullail Perlis

TULISAN JAWI NAMA

DYMM TUANKU SYED SIRAJUDDIN JAMALULLAIL DENGAN MOTIF "PELITA" ATAU "SIRAJ"

Nama Tuanku "Tuanku Syed Sirajuddin Jamalullail" dalam Jawi ditulis menggunakan motif pelita ("Siraj") sebagai simbol cahaya kebijaksanaan. Hal ini mencerminkan Tuanku sebagai obor kepimpinan yang menerangi hala tuju negeri Perlis, membawa kemajuan dan kesejahteraan kepada rakyat.

TULISAN JAWI جوبلى فيراق (JUBLI PERAK)

Ditulis dalam kaligrafi Jawi yang melambangkan warisan Islam dalam asimilasi budaya Perlis. Tulisan ini memberi maksud kepada sambutan ulang tahun ke-25 pemerintahan Baginda.

ANGKA "25" BERWARNA EMAS

Simbol utama dalam logo yang menandakan dua dekad setengah pemerintahan baginda. Warna emas melambangkan kejayaan, kestabilan, dan kecemerlangan negeri sepanjang pemerintahan Tuanku.

ANGKA "2000 - 2025" SEBAGAI GARIS MASA PEMERINTAHAN GEMILANG BAGINDA

Menandakan tempoh 25 tahun pemerintahan baginda, yang dipenuhi dengan kejayaan, pembangunan, dan kesejahteraan rakyat. Ia juga melambangkan era gemilang pemerintahan Baginda sebagai pemimpin yang membawa Perlis ke tahap lebih tinggi.


LINGKARAN EMAS DENGAN TEKS RASMI SAMBUTAN

Mengandungi teks:

"SAMBUTAN JUBLI PERAK PEMERINTAHAN

DYMM TUANKU SYED SIRAJUDDIN JAMALULLAIL, RAJA PERLIS"

Bentuk lingkaran melambangkan kesinambungan pemerintahan yang berterusan, aman, dan harmoni serta inklusif kepada semua warga negeri tanpa mengira latar belakang Agama, Kaum dan Budaya.





KESIMPULAN

Logo ini bukan sekadar simbol sambutan, tetapi juga manifestasi kecemerlangan pemerintahan DYMM Tuanku Syed Sirajuddin Jamalullail selama 25 tahun. Elemen Tengkolok Diraja, tulisan Jawi bermotif Pelita, dan angka 2000 - 2025 menjadi bukti kepemimpinan baginda yang membawa Perlis ke arah kemajuan, kemakmuran, dan kesejahteraan rakyatnya serta mencerminkan peranan Tuanku Raja Perlis sebagai pelayang, penerang haluan negeri, memimpin ke arah kemajuan dan kesejahteraan rakyat.